

AKHBAR : BERITA HARIAN
MUKA SURAT : 18
RUANGAN : NASIONAL

Kes jangkitan kembali menurun bawah 4,000

Putrajaya: Kes penularan COVID-19 di negara ini kembali bawah 4,000 iaitu 3,108 kes dilaporkan, setakat jam 12 tengah hari semalam.

Jumlah kes yang dilaporkan itu sedikit menurun berbanding 4,362 kes, kelmarin.

Ketua Pengarah Kesihatan, Tan Sri Dr Noor Hisham Abdullah, berkata perkembangan itu menjadikan sehingga kini sebanyak 2,718,955 individu di-

jangkiti virus berkenaan di negara ini.

"Daripada jumlah itu, sebanyak 3,051 kes atau 98.2 peratus adalah pesakit COVID-19 dalam kategori satu dan dua iaitu tidak mempunyai gejala dan ber-gejala ringan.

"Baki 1.8 peratus bersamaan 57 kes pula adalah pesakit COVID-19 kategori tiga hingga lima yang mempunyai radang paru-paru, memerlukan alat bantuan per-

nafasan dan kritikal," katanya dalam kenyataan, semalam.

Dr Noor Hisham berkata, kes yang dikesan itu membabitkan 3,071 kes penularan tempatan dengan 37 kes adalah import yang mendapat jangkitan dari luar negara.

"Secara keseluruhannya, daripada jumlah kes aktif di negara ini, 390 kes sedang dirawat di unit rawatan rapi (ICU) membabitkan 326 kes disahkan CO-

VID-19 serta 64 kes adalah disyaki, berkemungkinan dan dalam siasatan.

"Bagi pesakit yang memerlukan alat bantuan pernafasan, sehingga kini terdapat 211 kes dengan 143 daripadanya disahkan COVID-19, manakala 68 kes disyaki, berkemungkinan dan dalam siasatan," katanya.

Dalam pada itu, Dr Noor Hisham memaklumkan pihaknya turut mengesan dua kluster ba-

haru penularan COVID-19, sekali gus menjadikan jumlah kluster yang pernah dilaporkan di negara ini adalah 5,827 kluster.

Kini terdapat 252 kluster lagi yang masih aktif.

Mengenai kes sembuh semalam, Dr Noor Hisham berkata, sebanyak 3,701 kes sembuh dilaporkan, menjadikan jumlah kumulatif kes pulih sepenuhnya daripada COVID-19 ialah 2,634,381 individu.

AKHBAR : HARIAN METRO
MUKA SURAT : 5
RUANGAN : COVID-19

Kuala Krai

Tiga pusat pemindahan sementara (PPS) di Kuala Krai menyediakan bilik khas khusus untuk mangsa banjir yang positif Covid-19 dan perlu menjalani kuarantin sendiri bagi membendung penularan wabak Covid-19 di jajahan berkenaan.

Ketua Balai Bomba dan Penyelamat (BBP) Kuala Krai Penolong Penguasa Bomba (PPgB) Muhammad Rizwan Ar-Rafee Parsimin berkata, PPS berkenaan ialah Sekolah Kebangsaan (SK) Sultan Yahya Petra 1, SK Manek Urai Baru dan SK Dabong.

Katanya, semua pesakit Covid-19 ini akan ditempatkan di PPS berkenaan dan

Bilik khas mangsa positif

Tiga PPS disediakan khusus di Kuala Krai untuk pesakit Covid-19 jalani kuarantin



Walaupun belum ada pesakit Covid-19 dalam kalangan mangsa banjir dilaporkan berada di PPS berkenaan, tetapi kita perlu bersiap sedia untuk menghadapi sebarang kemungkinan

**Muhammad Rizwan
Ar-Rafee Parsimin**

diasingkan daripada mangsa banjir yang berada di PPS terbabit.

"Sekiranya ada dalam kalangan mangsa banjir yang positif Covid-19 di jajahan ini, kita akan hantar pesakit ke PPS khas ini, yang berdekatan dengan kawasan mereka.

"Walaupun belum ada pesakit Covid-19 dalam kalangan mangsa banjir dilaporkan berada di PPS berkenaan, tetapi kita perlu bersiap sedia untuk menghadapi sebarang ke-

mungkinan," katanya selepas melakukan tinjauan banjir di Kampung Manek Urai Lama di sini, semalam.

Mengulas lanjut, Muhammad Rizwan Ar-Rafee berkata, PPS itu dikawal oleh Kementerian Kesihatan Malaysia (KKM) yang dikendalikan Pusat Kesihatan Daerah (PKD) Kuala Krai dan anggota Rela sekiranya terdapat mangsa positif di PPS itu.

"Apabila ada mangsa ditempatkan di bilik itu, PKD

akan mengawasinya supaya tiada pelanggaran prosedur operasi standard (SOP) termasuk pemakaian penuh (set) perlindungan diri semasa bertugas.

"Selain itu, mereka turut dibantu oleh agensi yang terlibat seperti polis dan bomba," katanya.

Beliau berkata, saringan ujian sendiri kepada mangsa banjir yang berpindah turut dijalankan sebaik sahaja mereka mendaftar masuk di PPS bagi mengenal pasti tahap ke-

sihatan.

Dalam perkembangan lain, Muhammad Rizwan Ar-Rafee berkata, lebih 20 perkampungan kecil di Kuala Krai dilanda banjir seperti Kampung Manek Urai, Kampung Mesek, Kampung Gajah dan Kampung Bedal berikutan hujan berterusan sejak beberapa hari lepas.

Katanya, 22 PPS dibuka dengan menempatkan lebih 900 mangsa banjir di jajahan terbabit setakat jam 9 pagi semalam.

AKHBAR : THE STAR

MUKA SURAT : 9

RUANGAN : NATION

Vaccinations remain on track

KUALA LUMPUR: A total of 22,811,773 individuals or 97.4% of adults in Malaysia have completed their Covid-19 vaccination as of Saturday.

Based on the Health Ministry's CovidNow portal, a total of 23,118,828 individuals or 98.7% of adults have received at least one dose of the vaccine, Bernama reported.

As for the adolescent population aged between 12 and 17, 86.9% or 2,734,262 individuals have completed the vaccination while 2,832,995 individuals or 90% have received at least one dose of the vaccine.

A total of 71,650 doses of the vaccine were given yesterday, involving 1,230 as the first dose, 1,932 as the second dose and 68,488 as booster doses.

This brings the cumulative number of doses administered under the National Covid-19 Immunisation Programme to 55,803,470, including 4,500,495 booster doses.